

在文川网... 入驻... 更多电子书

中國方志叢書·華中地方·第一三一號

據

清·葛之莫等修，陳哲纂
民國十八年鉛印本

影印


江蘇省

睢寧縣舊志

(全)

成文出版社有限公司印行

575
575
575



中華民國六十三年六月壹一版

睢寧縣舊志 全冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

重印睢寧舊志弁言

吾邑舊志湮沒已久故老相傳莫不愧惜光緒十二年侯紹瀛氏宰睢以舊版被燬於紳耆家覓得康熙五十七年劉如宴氏所修舊志四卷簡篇殘缺記載未詳特商丁西圃學博采訪蒐羅成睢寧志稿六卷其名志稿者乃侯丁兩氏欲侯博鴻君子之講德也戊辰秋吾友夏君季實胞弟惠軒參觀北平圖書館

docsriver 文川网
入驻商家 古籍书城

在文川网搜索古籍书城 获取更多电子书

檢得舊志四卷完全無缺如獲奇珍予聞之亦欣然
色喜即與季實惠軒商諸同邑親友姬君覺彌夏君
子城郭君震東王君寶卿袁君在堂卓君嚴亭夏君
墨林朱君慕程及族叔軸臣族弟衡甫等釀資錄印
俾廣流傳按邑志初修於萬曆十四年有申其學氏
序再修於崇禎十五年有高岐鳳氏及先七世太胞
叔祖應中公序三修於康熙四年有石之玫瑰大經

徐常三氏序四修於康熙二十二年有葛之莫氏序
此志卽四修之本而劉氏所修志書尙在此志後三
十餘年侯氏旣未經見又未覓得劉志完本故凡吾
邑歷代豪俊賢哲顯功亮節爲此志所紀者侯志頗
多疏畧誠一憾事也余曩在國省兩會代議時曾促
縣當局增修新志雖經蒐集尙未成書而此志適於
是時獲見文獻足徵豈非快舉哉

中華民國十八年歲在己巳花朝日邑人王玉樹識
於北平仁民別業

原修睢寧縣志序

余不佞以樗櫟凡品繆叨兩院特疏將天子命來取
于睢受事之明年僉遽以志請曰縣之有志猶列國
之有史也匪志何觀余愀然曰茲時也魚鱉之民未
席鴻鴈之夫未歸瘡痍極目廢墜蝟集正余之宵旰
時也丙戌夏余業官者五載大司馬楊公檄取睢志
以爲觀風計余率無以應而僉之所請益堅余始允

附錄
之第未得其人也是年秋博士于臺黃公相繼至博
通今古有倜儻才余即以志事屬之不避僭妄更端
告曰志所以鏡古鑒今顧有體哉炫辭則浮任質則
野博愛則濫輕視則刻今特與約事不必侈惟其核
語不必贅惟其確其志田賦也毋虛數而標名其志
戶口也毋僞增而彰譽其志人物也毋重勢利而輕
道義其志節孝也毋進明達而退草茅其志官師也

毋貴甲第而賤貢舉其志文藝也毋取浮薄而黜雅
重其志建置也以不勞民不傷財爲賢而作無益傷
有益者不與焉其志宦蹟也以有實心行實政者爲
能而隆虛譽病實德者不與焉使世人觀之莫不曰
纂輯之有體而信今傳後者有如此否則翰轅徒飭
操觚是聘茲不特爲賤子之羞博士之戚抑亦爲爾
二三子後議之憂遂次第其言而爲之叙

萬曆十四年丙戌夏知隴寧縣事日照申其學撰

重修睢寧縣志序

睢陵古名郡居淮楚上游瀕河舊有城乃土築者日
照申公易之以磚河決爲黃水淤沒深及女牆上乃
在上城反居下戊寅春余謬膺特簡來莅茲土值流
寇焚燬之餘居民皆鳥獸散存者不過數十餘家且
兵燹雖息風鶴時驚□所恃以無恐兼之征檄旁午
軍需甚急徒爲焦勞無益也時四野皆萑葦荒蕪一

望蒼蒼強爲無米之炊下令凡一應贖鍰皆許納草
准金省民間襍差每社輸草若干以代五丁了姓皆
欣然樂從未幾柴積如山乃于四門外設窖十餘座
招工匠陶冶未期年而城屹然以完清撫朱制臺特
疏題請下部優叙時流寇交棘制臺委余隨營監紀
忽有小袁營統衆數萬蹂踐睢境住扎于城東找溝
集余以睢屬舊治不忍地方塗炭請命制臺偕總鎮

劉良佐親冒矢石□□袁營賊踉蹌西走會漕撫史
公新任紳士力請復命予回縣料理又爲增四城樓
以便瞭望禦侮之具畢備邑人賴以稍安政事之暇
紳士周明遠孫國禎等請修邑舊志以見維新之意
余聞之國有信史家有信譜郡邑則有信志豈獨漫
滋遊揚而羣開簧籥已哉故其載也惟詳惟該其著
也惟博惟約文取一二闡群芳于萬古義存什伯正

附錄卷之二
與類于片辭一裘之領而百狐之腋不外是焉則因
文以見道推義以弘化蕞爾燭炤仰增上國之光石
室麻徵秘啓後來之盛探詞藻之淵而嚴風紀之鏡
者其毋忽于斯編

崇禎十五年戊寅春知睢寧縣事關西高岐鳳撰

修睢寧縣志序

余家世于睢踐土食毛三百年矣丁丑寇氛蹂燬靡
室靡家棲遲淮上謀爲歸睢之計幸值興周高邑侯
莅睢長才小試烹鮮奏績百廢具舉復睹盛世威儀
遂徘徊不忍去睢舊有城乃申公所修爲水淹沒學
宮衙宇寺觀皆俯視淤沙間侯慨然規畫次第整頓
且兵荒之後公私匱乏侯百方設處圖國事如家事


卽城池大工未幾屹然告成侯之勳偉矣哉至于嘉
猷善政載在風謠勅成卷帙史不勝書行且報最天
府註名麟閣迺聽政之暇與一二友擊憫懷志乘散
逸先蹟芬泯思有以釐葺之董其事者則貢士周慶
雲也周家世詩書累代闕閤固爲吾鄉望族而後先
交映繩繩未艾所稱文獻者是歟凡邑之古蹟勝境
稗官野史無不胸羅而囊載之於以襄厥事有餘矣

docsriver 文川网
入驻商家 古籍书城

在文川网搜索古籍书城 获取更多电子书

書成悉簡索余言爲序予寡學渺聞自分無以應命
且去睢三百里無能奉鉛槧如游夏從事于側乃遙
憶睢之城郭復故巷陌如舊武備增張文事興起鴻
雁集于澤狐鼠淨于社典文燦列金石鑠古煜今伊
誰之力歟匪侯倡導于上二三子贊勦于下弗克臻
此謹書數言于端以寄春秋大復古之意云

崇禎十五年邑舉人王應中撰



重修睢寧縣志序

昔者先王之化民也以五方土地風氣所生剛柔燥濕各有其性不可變遷是以疆理天下物其土宜知其利害達其志而通其欲齊其政而修其教故曰廣谷大川異制人居其間異俗書錄禹別九州定其山川分其圻界條其物產辨其貢賦斯之謂也邑雖小寧非職方之所隸乎睢爲淮甸瘠邑余自甲辰夏承乏茲土入其境一望黃沙白葦田淪巨浸者過半民東西鳥獸散余惄然憂之力自於大中丞而爲之請

命焉疏三上始獲俞旨俾溢額永蠲惟民靡不慶再
生秉鐸典常孫君揖而前曰是舉也不可以無志志
者一邑之惇史邑無惇史奚以示信况舊志輯自明
之中葉屈指百有餘年興朝定鼎而後不一釐正可
乎哉余嘉是意不禁欣然與之謀始蒐輯過半適孫
君改任去中吳兢如徐君繼至踵其事彙新舊彙本
質於余余遴簿書暇綜大綱核細目統加校閱定爲
十志輿地稱首誠重之也次建置次官師次田賦次
人物次選舉次風俗次物產次災祥而以藝文終焉

炳炳麟麟元元本本詎非一邑之悼史歟抑余目之
重有感已夫一邑不可一日而無志猶之朝廷不可
一日而無史也史以紀天下之事志以紀一邑之事
故志之有山川四境卽史之赤縣神州也志之有曆
代沿革循吏師儒卽史之改玉改步五鳩九扈也志
之有賦役有傳人有貢舉卽史之九賦九式孝子忠
臣辟舉科舉也志之有民情好尙土殖異宜與夫水
旱雲物之屬卽史之陳詩採風飭財辨物以及天文
變異休禎符瑞也至于文苑菁華則紀載編年志之

與史一而已矣充斯任者詎易易乎哉是役也余與孫徐二君卜晷操觚遞更寒暑久久甫竣厥業雖未敢與蘭臺珥筆競爲巨觀而卷帙告成亦庶幾用是自慰矣後之君子鑒於斯編衷選古審時宜俾志達而欲通政齊而教修以無負於先王化民之意是則余之志也夫

康熙著雍涪灘之歲寤月穀旦賜進士出身文林郎知睢寧縣事甘泉石之玖溫如甫撰

修睢寧縣志序

余之辭劇投閒也謂可以日坐氈毳做晉人清話詎
意終夕營營總爲頰璧幅員計鞅掌風塵未嘗不顧
影而失笑也比得次第告成庶幾息肩文壇酒政外
日檢牙籤遙集今古問閱睢邑新舊誌率多零落掩
卷太息者久之爰稽其書始於明之神宗丙戌邑令
申公手繼則高公畧加纂輯二公實矯矯人龍也其

豐功偉績足耀千古數十年來曾無過而拈一瓣香
者泮幢祠主淪沒久矣訪之口碑又有孤城殉節之
王李兩學博皆一時烈丈夫雖耳食如新而血食無
將心切悃之奈力綿不足以寵幽光爲我同人告之
甘泉石公轉達當道獲允所請從祀名宦先靈妥而
余願償矣時以遷補辭去石公從酒酣耳熱後執手
言曰願公少留終成令典可乎自興朝定鼎以來數

經兵焚梓楮殘剝實不足以備觀覽况此八十年中
天道小變山川有陵谷墳壚有滄桑戶口有增逋民
俗有淳駁士風有污降執舊典摩索之如曆異國多
見其鑿柄不侔也况其間忠孝節義之舉創建因革
之事與夫洞心駭目可歌可咏者不知凡幾及今不
圖恐有文獻無徵之歎矣君其爲我何余曰唯唯不
敏何足以當之然旣膺明命敢不夙夜以殫厥後迺

爲之綜核倫次如左

自壬午前則述其文以正魯豕弗敢創也壬午後則
徵之獻疑者開文弗敢誣也山川靈爽實式臨之知
我罪我惟以竣之後君子

康熙四年重九前一日授文林郎改選睢寧縣儒學
教諭雲間孫大經典常甫撰

修睢寧縣志序

聞之宰天下者不知四方之天事地事人事不足以
宰天下宰一隅者不知四境之天事地事人事不足
以宰一隅是故麟經之記星記雨書雹書螟以明天
事也禹貢之敷土辨壤浮淮達河以明地事也周禮
之分職定賦掌教擾邦以明人事也自此漢有畧晉
有部唐有錄宋有目元有考志則諸史共之然則志

也者經之裔而史之翼歟後代稗官擇人亦各以其
卮聞撰列風土熠耀當時於以襄世治奠民生無取
焉卽如睢陵之有志始訂於萬曆再訂於崇禎而今
代事蹟闕焉未補且訛待覈蕪待削者凡幾也邑侯
石公以政事文章赫曦海甸賈其餘勇手畫新志十
卷余與前任孫君先後左右之冠以星野爲天事之
書泊以輿圖建置物產災祥爲地事之書又若官師

docsriver 文川网
入驻商家 古籍书城

在文川网搜索古籍书城 获取更多电子书

田賦人物選舉以及藝文爲人事之書知天而水旱
疾厲蝮螭冰雹思所救矣知地而長河噴薄羣湖侵
淫思所備矣知人而敬官恤農興賢勗藝思所守也
於以襄世治而奠民生宰一隅與宰天下有異乎哉
石公作新是邑多異績復不朽是邑有成書余甫入
任卽與有文緣因其竣業也而弁一言皆

康熙代申仲夏睢寧儒學司訓中吳徐常競如甫撰

